

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina (PoBOX: 61)  
REGISTROVANO KOD: OPĆINSKI SUD SARAJEVO, MBS 65-01-0419-11; JIB 4200068970001; CARINSKI BROJ  
200068970001  
RAČUN. UNICREDIT BANK D.D. BIH. 3386902296481517

Vrsta dok.	Izdavač	RB
DOP	2 01	1188

Strana:  
1 od 1

Broj protokola:

02-1-04-7-5876-31/20

JAVNO

**DATUM:** 17.03.2021. god.**PRIMALAC:** COMMERCE ENGINEERING d.o.o. Mostar  
EMADO d.o.o. Sarajevo i  
DIGITARIJA d.o.o. Sarajevo**PREDMET:** Obavijest: Nabavka robe - Sistemski i aplikativni software

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da se, nakon okončane procedure prikupljanja ponuda za nabavku robe: Sistemski i aplikativni software, provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača COMMERCE ENGINEERING d.o.o. Mostar, kao jedina formalno – pravno ispravna ponuda.

S poštovanjem,

v.d. DIREKTOR-a  
Alan Bajić

**DOSTAVLJENO:**

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a





UPRAVA DRUŠTVA	Strana: 1 od 3
Broj protokola: 02-1-04-7-1193-30/21	JAVNO

Datum: 17.03.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke Komisije za provođenje postupka javne nabavke robe: Sistemski i aplikativni software, imenovane Rješenjem broj: 02-1-04-7-1193-7/21 od 19.03.2021. god., Uprava J.P. Međunarodni aerodrom "SARAJEVO" d.o.o. Sarajevo postupajući u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo, na elektronskoj sjednici održanoj dana 17.03.2021. god., donosi

## ODLUKU

### I

Prihvata se ponuda ponuđača COMMERCE ENGINEERING d.o.o. Mostar, broj: 1-02/2021, zavedena na protokol Naručioca pod brojem: 07-04-7-1193-4/21 od 10.03.2021. god., za nabavku robe: Sistemski i aplikativni software, koji je ponudio cijenu za navedenu nabavku u iznosu od: 76.100,00 KM (slovima: sedamdesetšestilijadaisto KM), bez PDV-a.

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

## Obrazloženje

Postupajući u skladu sa članom 18. Zakona o javnim nabavkama („Službeni glasnik BiH“, broj 39/14), a u cilju izbora najpovoljnije ponude za nabavku robe: Sistemski i aplikativni software, v.d. direktora J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 02-1-04-7-1193-3/21 od 22.02.2021. god., a Rješenjem o imenovanju Komisije, broj: 02-1-04-7-1193-7/21 od 09.03.2021. god., imenovao Komisiju za provođenje postupka nabavke.

U skladu sa naprijed navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-1-1-72-3-21/19 od 23.02.2021. god. Do ostavljenog roka za predaju ponuda, 10.03.2021. god., do 12,00 sati, na adresu Naručioca ponude su dostavila 3 (tri) ponuđača, i to: COMMERCE ENGINEERING d.o.o. Mostar, EMADO d.o.o. Sarajevo i DIGITARIJA d.o.o. Sarajevo.

Na javnom otvaranju ponuda, koje je održano isti dan u 12,30 sati, uz prisustvo predstavnika ponuđača COMMERCE ENGINEERING d.o.o. Mostar, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Pregledom ponude ponuđača **COMMERCE ENGINEERING d.o.o. Mostar**, Komisija je konstatovala da je ponuda dostavljena u skladu sa zahtjevima Tenderske dokumentacije i da je formalno – pravno, tehnički i računski ispravna i prihvatljiva za Naručioca.

Ponuda ne ispunjava uslove za primjenu preferencijalnog tretmana domaćeg.

Vrsta dok.	Izdavač
<b>ODL</b>	<b>01-3</b>
Strana: 2 od 3	
JAVNO	

-Pregledom ponude ponuđača EMADO d.o.o. Sarajevo, Komisija je konstatovala slijedeće:

ponuđač je kao dokaz o dobro izvršenom poslu dostavio Zahtjev za izdavanje potvrde upućen drugoj ugovornoj strani/općini Stari Grad Sarajevo, predat na dan otvaranja ponuda, tj. 10.03.2021. god. Imajući u vidu naprijed navedeno, Komisija je konstatovala da ponuđač u svojoj ponudi nije dostavio traženi dokaz/potvrdu o dobro izvršenom poslu iz tačke 4.4.1. a) Tenderske dokumentacije, jer dostavljeni Zahtjev za izdavanje potvrde o dobrom izvršenju posla nije mogla ocijeniti kao validan dokaz o uspješnom iskustvu u realizaciji posla iste ili slične vrste i istog ili sličnog obima. S obzirom na navedeno, Komisija je mogla zaključiti da realno nije ni postojala mogućnost izdavanja tražene potvrde od strane druge ugovorne strane u istom danu.

Komisija je također konstatovala da ovaj ponuđač nije dostavio ni prevod svih dokumenata priloženih uz ponudu, kako je to zahtijevano tačkom 5.2. Tenderske dokumentacije (svi dokumenti koji nisu na jednom od službenih jezika u BiH trebaju biti prevedeni na jedan od tih jezika od strane ovlaštenog sudskog tumača). Tačkom 4.4.1. b) je od ponuđača zahtijevan dokaz Autorizacija od strane proizvođača robe (kompanije koja je razvila software). Ponuđač je u svojoj ponudi dostavio Autorizaciju proizvođača na engleskom jeziku, neprevedenu na bosanski jezik i neovjereni od strane sudskog tumača.

Imajući u vidu naprijed navedeno, Komisija je konstatovala da ponuđač u svojoj ponudi nije dostavio dokaz iz tačke 4.4. Tehnička i profesionalna sposobnost, pod 4.4.1. a) validnu potvrdu o realizaciji posla iste ili slične vrste ili istog ili sličnog obima i tačke 4.4.1. b) Autorizaciju od strane proizvođača robe.

S obzirom na naprijed navedeno ova ponuda je ocijenjena formalno – pravno neispravnom i neprihvatljivom za Naručioca.

Ponuda ne ispunjava uslove za primjenu preferencijalnog tretmana domaćeg.

-Pregledom ponude ponuđača **DIGITARIJA d.o.o. Sarajevo**, Komisija je konstatovala da i ovaj ponuđač nije dostavio prevod svih dokumenata shodno tački 5.2. Tenderske dokumentacije (svi dokumenti koji nisu na jednom od službenih jezika u BiH trebaju biti prevedeni na jedan od tih jezika od strane ovlaštenog sudskog tumača). Tačkom 4.4.1. b) je od ponuđača zahtijevan dokaz Autorizacija od strane proizvođača robe (kompanije koja je razvila software). Ponuđač je dostavio u svojoj ponudi Autorizaciju proizvođača na engleskom jeziku, neprevedenu na bosanski jezik i neovjereni od strane sudskog tumača.

S obzirom na naprijed navedeno i ova ponuda je ocijenjena formalno – pravno neispravnom i neprihvatljivom za Naručioca.

Ponuda ne ispunjava uslove za primjenu preferencijalnog tretmana domaćeg.

S obzirom da je Odlukom o odobrenju postupka nabavke t.j. tenderskom dokumentacijom, shodno članu 25. Zakona o javnim nabavkama, utvrđen metod nabavke Otvoreni postupak, Komisija je imajući u vidu ovu činjenicu, ocijenila da postoje uslovi za nastavak postupka dodjele ugovora.

Komisija je pristupila ocjeni prihvatljive ponude, imajući u vidu činjenicu da se ugovor dodjeljuje dobavljaču sa ekonomski najpovoljnijom ponudom.

KRITERIJ	učešće	COMMERCE ENGINEERING	Bodovi
<b>Cijena (KM)</b>	<b>95%</b>	76.100,00	95.00
<b>Rok isporuke (dani)</b>	<b>5%</b>	1,00	5.00
<b>U K U P N O :</b>	<b>100%</b>		<b>100.00</b>

Za ovaj postupak nabavke nije bila je predviđena e – aukcija.

Vodeći se gore navedenom činjenicom, te činjenicom da ponuda ponuđača COMMERCE ENGINEERING d.o.o. Mostar, za nabavku predmetne robe u cjelosti ispunjava uslove date u zahtjevu za dostavu ponude, uz ponuđenu cijenu od: 76.100,00 KM (slovima: sedamdesetšesthiljadaisto KM), bez PDV-a, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču.

Izabrani ponuđač dostavio je Naručiocu dokumenta iz člana 45. Zakona o javnim nabavkama, u skladu sa dostavljenom Izjavom, pa ista nije potrebno naknadno dostavljati.

Uprava J.P. Međunarodni aerodrom "SARAJEVO" d.o.o. Sarajevo, razmotrila je preporuku Komisije, te je u skladu sa članom 6. Poslovnika o radu Uprave J.P. Međunarodni aerodrom "SARAJEVO" d.o.o. Sarajevo na elektronskoj sjednici održanoj dana 17.03.2021. god., istu prihvatila, i u skladu sa čl. 25. i 64. Zakona o javnim nabavkama i članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

Prilog: Zapisnik o pregledu i ocjeni ponude



**v.d. DIREKTOR-a**

Alan Bajić

**DOSTAVLJENO:**

1. Ponuđačima (co.)
2. Upravi Društva
3. Sektoru komercijale
4. Sektoru finansija (co.)
5. Sektoru za PKO poslove
6. Sektoru za IKT
7. a/a